


"Gambar dalam buku ini hanya ilustrasi dan tidak berkaitan dengan rupa atau tubuh sebenar Nabi."

Nabi Ibrahim AS

-Api yang tidak membakar-

-Amal Soleh-



Kaum Babil yang Menyembah Patung

Di sebuah negeri bernama Babil/Babilonia, terletak di Iraq, tinggallah satu kaum yang menyembah patung batu.

Mereka hidup mewah tetapi lupa kepada Allah.

Setiap rumah mereka ada berhala.

Ada patung matahari, bulan, dan bintang.

Mereka percaya patung itu beri rezeki dan kuasa.

Dan menganggapnya sebagai tuhan mereka.

Nabi Ibrahim Mencari Kebenaran

**Sejak kecil, Nabi Ibrahim
suka berfikir tentang alam.
Baginda melihat langit,
bintang, matahari
dan bulan.**

**Tetapi semua itu hilang —
maka semuanya bukanlah
Tuhan yang sebenar.**

**Akhirnya baginda
yakin:**

**“Yang menciptakan
semua ini
hanyalah Allah.”**

**Lalu baginda pun mula
berdakwah kepada
kaumnya.**

Raja Namrud yang Sombong

**Raja Babil ketika itu
bernama Namrud.
Dia sangat sombong
dan angkuh.**

**Dia berkata, "Akulah
tuhan kamu semua!"**

**Nabi Ibrahim pun
berdebat dengan
Namrud.**

**Ibrahim berkata,
"Allah yang
menghidupkan dan
mematikan."**

**Namrud menjawab,
"Aku juga boleh
menghidupkan dan
mematikan!"**

Hujjah yang Hebat

Lalu Ibrahim berkata lagi, "Allah menerbitkan matahari dari timur. Kalau kamu tuhan, terbitkanlah dari barat!"

Raja Namrud terdiam, tidak mampu menjawab. Semua orang yang hadir juga terkejut. Ibrahim telah menang dalam hujjah dengan kebenaran.

Pemusnahan Berhala

Kemudian, Nabi Ibrahim mahu membuktikan bahawa berhala itu lemah, tiada kuasa atas apapun.

Pada hari perayaan, ketika semua orang keluar dari kota untuk merayakan perayaan mereka.

Ibrahim masuk ke kuil tempat semua patung diletakkan.

Dengan kapak, baginda pecahkan semua patung kecil.

Hanya patung yang besar tidak dipecahkan – dan kapak itu diletakkan di tangannya berhala besar.

Apabila mereka pulang ke kota, mereka sangat terkejut!

"Siapa yang hancurkan berhala-berhala kami?"

Ada yang berkata "itu kerja Ibrahim!" jerit mereka.

Mereka pun terus menangkap Nabi Ibrahim dan membawanya ke raja Namrud.

"Adakah kamu yang lakukan ini?" tanya mereka.

Ibrahim menjawab dengan tenang dan bijak.

Jawapan yang Menjawab Segalanya

“Mungkin patung besar itu yang melakukannya,” jawab Nabi Ibrahim dengan yakin.

“Tanyalah padanya, jika dia boleh bercakap.”



Semua orang terdiam... mereka tahu patung itu tidak boleh berkata-kata.

Tetapi mereka tetap sombong dan tidak mahu mengaku salah.

Mereka mula marah dan mahu menghukum Ibrahim.

Api yang Besar Dibakar

Lalu, raja Namrud perintahkan rakyatnya membina unggun api yang sangat besar.

Kayu dikumpul bertimbun-timbun selama beberapa hari.

Api dinyalakan – sangat panas dan tinggi menjulang.

Ibrahim diikat dan dicampakkan ke dalam api.

Semua menyangka dia akan hangus terbakar.

Tetapi Allah mempunyai rencana yang lebih hebat!



Maka, Allah memerintahkan kepada api tersebut: “Wahai api, jadilah sejuk dan selamat keatas Ibrahim!” Tiba-tiba api itu menjadi dingin dan tidak membakar.

Nabi Ibrahim keluar daripada api yang besar tanpa ada sebarang luka atau cedera. Pakaian baginda pun tidak terbakar walaupun sedikit. Orang ramai sangat terkejut, dan raja Namrud merasa sangat malu.

Tinggalkan Kaum yang Sesat


**Raja Namrud tetap
sombong dan tidak
mahu beriman.**

**Nabi Ibrahim pun
meninggalkan negeri Babil.
Baginda mahu mencari
orang yang mahu
mendengar kebenaran.**

**Dengan hati yang
sabar, baginda terus
berdakwah.**

**Baginda yakin Allah
akan bersama orang
yang beriman.**

**Begitulah perjalanan
seorang nabi yang
tabah.**



**Kisah ini mengajarkan
kepada kita
tentang keberanian
menegakkan kebenaran.
Nabi Ibrahim tidak takut
walaupun berdepan
dengan raja yang zalim.
Baginda menang
dengan
hujjah dan sabar.**

**Allah pasti akan
menyelamatkan orang
yang beriman
dan jujur.
Jangan sesekali
menyembah patung
atau makhluk –
Sembahlah hanya
kepada Allah yang
Maha Kuasa.**

**Nabi Ibrahim ialah nabi
yang sangat cerdas
dan berani.**

**Baginda tidak gentar
pada manusia, hanya
takut kepada Allah.
Api yang besar pun
tidak mampu
menyakitinya!**

**Marilah kita jadi anak
yang berani berkata**

**benar,
taat kepada Allah, dan
sabar seperti
Nabi Ibrahim.**

**Semoga kita semua
diselamatkan di dunia
dan akhirat.**

Aamiin!!!

-TAMAT-